

十三經註

仁12
4M9
42



12
疏
卷

晉杜預集解

春秋左傳

芋栗園藏板

東
傳

春秋左氏傳序 晉杜預

春秋者魯史記之名也記事者以事繫日以
 日繫月以月繫時以時繫年所以紀遠近別
 同異也故史之所記必表年以首事年有四
 時故錯舉以為所記之名也周禮有史官掌
 邦國四方之事達四方之志諸侯亦各有國
 史大事書之於策小事簡牘而已孟子曰楚
 謂之檮杌晉謂之乘而魯謂之春秋其實一

春秋左傳序

晉書

21
42

春秋
也韓宣子適魯見易象與魯春秋曰周禮盡
在魯矣吾乃今知周公之德與周之所以王
韓子所見蓋周之舊典禮經也周德既衰官
失其守上之人不能使春秋昭明赴告策書
諸所記註多違舊章仲尼因魯史策書成文
考其真偽志其典禮上以遵周公之遺制
下以明將來之法其教之所存文之所害則
刊而正之以示勸戒其餘則皆即用舊史史

有文質辭有詳略不必改也故傳曰其善志
又曰非聖人孰能修之蓋周公之志仲尼從
而明之左邱明受經於仲尼以爲經者不刊
之書也故傳或先經以始事或後經以終義
或依經以辯理或錯經以合異隨義而發其
例之所重舊史遺文略不盡舉非聖人所修
之要故也身爲國史躬覽載籍必廣記而備
言之其文緩其旨遠將令學者原始要終尋

其枝葉究其所窮優而柔之使自求之賢而
飫之使自趨之若江海之浸膏澤之潤渙然
冰釋怡然理順然後爲得也其發凡以言例
皆經國之常制周公之垂法史書之舊章仲
尼從而修之以成一經之通體其微顯闡幽
裁成義類者皆據舊例而發義指行事以正
褒貶諸稱書不書先書故書不言不稱書曰
之類皆所以起新舊發大義謂之變例然亦

有史所不書卽以爲義者此蓋春秋新意
傳不言凡曲而暢之也其經無義例因行事
而言則傳直言其歸趣而已非例也故發傳
之體有三而爲例之情有五一日微而顯文
見於此而起義在彼稱族尊君命舍族尊夫
人梁亡城緣陵之類是也二曰志而晦約言
示制推以知例參會不地與謀曰及之類是
也三曰婉而成章曲從義訓以示大順諸所

詳辟壁假許田之類是也四曰盡而不汙直
書其事具文見意丹楹刻桷天王求車齊侯
獻捷之類是也五曰懲惡而勸善求名而亡
欲蓋而章書齊豹盜三叛人名之類是也推
此五體以尋經傳觸類而長之附于二百四
十二年行事王道之正人倫之紀備矣或曰
春秋以錯文見義若如所論則經當有事同
文異而無其義也先儒所傳皆不其然答曰

春秋雖以一字爲褒貶然皆須數句以成言
非如八卦之爻可錯綜爲六十四也固當依
傳以爲斷古今言左氏春秋者多矣今其遺
文可見者十數家大體轉相祖述進不成爲
錯綜經文以盡其變退不守邱明之傳於邱
明之傳有所不通皆沒而不說而更膚引公
羊穀梁適足自亂預今所以爲異專修邱明
之傳以釋經經之條貫必出於傳傳之義例

總歸諸凡推變例以正褒貶簡二傳而去異
 端蓋邱明之志也其有疑錯則備論而闕之
 以俟後賢然劉子駿創通大義賈景伯父子
 許惠卿皆先儒之美者也未有穎子巖者雖
 淺近亦復名家故特舉劉賈許穎之違以見
 同異分經之年與傳之年相附比其義類各
 隨而解之名曰經傳集解又別集諸例及地
 名譜第歷數相與為部凡四十部十五卷皆

顯其異同從而釋之名曰釋例將令學者
 其所聚異同之說釋例詳之也或曰春秋之
 作左傳及穀梁無明文說者以仲尼自衛反
 魯修春秋立素王邱明為素臣言公羊者亦
 云黜周而王魯危行言孫以辟當時之害故
 微其文隱其義公羊經止獲麟而左氏經終
 孔邱卒敢問所安答曰異乎余所聞仲尼曰
 文王既沒文不在茲乎此制作之本意也歎

春秋左傳

序 五 晉古

春秋
曰鳳鳥不至河不出圖吾已矣夫蓋傷時王之政也麟鳳五靈王者之嘉瑞也今麟出非其時虛其應而失其歸此聖人所以爲感也絕筆於獲麟之一句者所感而起固所以爲終也曰然則春秋何始於魯隱公答曰周平王東周之始王也隱公讓國之賢君也考乎其時則相接言乎其位則列國本乎其始則周公之祚膺也若平王能祈天永命紹開中

興隱公能弘宣祖業光啓王室則西周之美可尋文武之迹不隊是故因其歷數附其行事采周之舊以會成王義垂法將來所書之王卽平王也所用之歷卽周正也所稱之公卽魯隱也安在其黜周而王魯乎子曰如有用我者吾其爲東周乎此其義也若夫制作之文所以章往考來情見乎辭言高則旨遠辭約則義微此理之常非隱之也聖人包周

春秋左傳序

六 管古集

身之防既作之後方復隱諱以辟患非所聞也子路欲使門人爲臣孔子以爲欺天而云仲尼素王邱明素臣又非通論也先儒以爲制作三年文成致麟既已妖妄又引經以至仲尼卒亦又近誣據公羊經止獲麟而左氏小邾射不在三叛之數故余以爲感麟而作作起獲麟則文止於所起爲得其實至於反袂拭面稱吾道窮亦無取焉

春秋左傳註卷第一 隱元年 杜預註

春秋左傳註卷第一 隱元年

晉 杜 預 註

隱公 名息姑惠公之子母聲子諡法不尸其位曰隱

傳惠公元妃孟子孟子卒繼室以聲子生隱公宋武公生仲子仲子生而有文在其手曰爲魯夫人故仲子歸于我生桓公而惠公薨是以隱公立而奉之

言元妃明始適夫人也子宋姓孟子卒不

春秋左傳 卷一 隱公 一 晉古婁

稱薨不成喪也無諡先夫死不得從夫諡聲諡也聲子蓋孟子之姪娣也諸侯始娶則同姓之國以姪娣媵元妃死則次妃攝治內事猶不得稱夫人故謂之繼室婦人謂嫁曰歸仲子以子理自然成字有若天命故嫁之於魯仲子歸魯而生男桓公惠公薨不以桓生之年薨隱公繼室之子當嗣是以禎祥之故追成父志為桓尚少是

以立為太子帥國人奉之為經元年春不

書即位傳

經元年春王正月

隱公之始年周王之正月也凡人君即位欲其體元以居正故不言一年一月也隱雖不即位然攝行君事故亦朝廟告朔也告朔朝正例在襄二十九年即位例在隱莊閔僖元年

三月公及邾儀父盟于蔑

父音甫蔑亡結反

附庸之君未王命例稱名能自通于大國繼好息民故書字貴之名例在莊五年邾今魯國鄒縣也蔑姑蔑魯國魯地卞縣南有姑城

夏五月鄭伯克段于鄆

段徒亂反鄆於晚反

不稱國討而言鄭伯譏失教也段不弟故不言弟明鄭伯雖失教而段亦凶逆以君

討臣而用二君之例者言段強大雋傑據

大都以耦國所謂得雋曰克也國討例在

莊二十二年得雋例在莊十一年母弟例

在宣十七年鄭在熒陽宛陵縣西南鄭今

潁川鄆陵縣

秋七月天王使宰咺來歸惠公仲子之貺

阮反貺芳鳳反

宰官咺名也咺贈死不及尸弔生不及哀

春秋左傳

卷一

隱公

三

齊左傳

豫凶事故貶而名之此天子大夫稱字之
例仲子者桓公之母婦人無諡故以字配
姓來者自外之文歸者不反之辭

九月及宋人盟于宿

客主無名皆微者也宿小國東平無鹽縣
也凡盟以國地者國主亦與盟例在僖十
九年宋今梁國睢陽縣

冬十有二月祭伯來

祭側
界反

祭伯諸侯為王卿士者祭國伯爵也傳曰
非王命也釋其不稱使

公子益師卒

傳例曰公不與小斂故不書日所以示薄
厚也春秋不以日月為例唯卿佐之喪獨
記日以見義者事之得失既未足以褒貶
人君然亦非死者之罪無辭可以寄文而
人臣輕賤死日可略故特假日以見義

僖元年春王周正月不書即位攝也

言周以別夏殷假攝君政不修即位之禮故史不書於策傳所以見異於常

三月公及邾儀父盟于蔑邾子克也未王命故不書爵曰儀父貴之也公攝位而欲求好

於邾故為蔑之盟

好呼報反

克儀父名王未賜命以為諸侯其後儀父服事齊侯以獎王室王命以為邾子故莊

十六年經書邾子克卒公欲求好於邾解

所以與盟也

夏四月費伯帥師城郕不書非君命也

費音

費伯魯大夫郕魯邑高平方與縣東南有

郁郎亭傳曰君舉必書然則史之策書皆

君命也今不書於經亦因史之舊法故傳

釋之諸魯事傳釋不書他皆倣此

初鄭武公娶於申曰武姜生莊公及共叔段

春秋左傳

卷一

隱公

五

管五婁

莊公寤生驚姜氏故名曰寤生遂惡之愛共叔段欲立之亟請於武公公弗許及莊公即位為之請制公曰制巖邑也虢叔死焉佗邑唯命請京使居之謂之京城大叔祭仲曰都城過百雉國之害也先王之制大都不過參國之一中五之一小九之一今京不度非制也君將不堪公曰姜氏欲之焉辟害對曰姜氏何厭之有不如早為之所無使滋蔓蔓難

圖也蔓草猶不可除況君之寵弟乎公曰多行不義必自斃子姑待之既而大叔命西鄙北鄙貳於己公子呂曰國不堪貳君將若之何欲與大叔臣請事之若弗與則請除之無生民心公曰無庸將自及大叔又收貳以為己邑至于廩延子封曰可矣厚將得眾公曰不義不暱厚將崩大叔完聚繕甲兵具卒乘將襲鄭夫人將啓之公聞其期曰可矣命子

封帥車二百乘以伐京京叛大叔段段入于鄆公伐諸鄆五月辛丑大叔出奔共書曰鄭伯克段于鄆段不弟故不言弟如二君故曰克稱鄭伯譏失教也謂之鄭志不言出奔難之也遂寘姜氏于城穎而誓之曰不及黃泉無相見也既而悔之穎考叔為穎谷封人聞之有獻於公公賜之食食舍肉公問之對曰小人有母皆嘗小人之食矣未嘗君之羹請

以遺之公曰爾有母遺繫我獨無穎考叔曰敢問何謂也公語之故且告之悔對曰君何患焉若闕地及泉隧而相見其誰曰不然公從之公入而賦大隧之中其樂也融融姜出而賦大隧之外其樂也洩洩遂為母子如初君子曰穎考叔純孝也愛其母施及莊公詩曰孝子不匱永錫爾類其是之謂乎

其音恭 寘五故 反惡烏路反亟欺冀反巖五銜反號瓜伯反 復扶又反大音泰過古臥反參七南反焉辟

魯火左傳 卷一 隱公 七 嘗

者禾

和

於虔反厭於鹽反蔓音萬斃婢世反暱女乙
反繕市戰反卒尊忽反乘繩證反不弟大計
反難乃且反寘之或反舍音捨遺唯季反繫
烏兮反隧音遂樂音洛融羊弓反洩羊世反
施以鼓反
檀其位反

申國今南陽宛縣段出奔共故曰共叔猶
晉侯在鄂謂之鄂侯姜氏寐寤而莊公已
生故驚而惡之愛叔段欲立以為天子號
叔東號君也恃制巖險而不修德鄭滅之
公恐段復然故開以佗邑號國今熒陽縣

姜氏請京公順姜請使段居京謂之京城
大叔言寵異於眾臣京鄭邑今熒陽京縣
祭仲鄭大夫方丈曰堵三堵曰雉一雉之
牆長三丈高一丈侯伯之城方五里徑三
百雉故其大都不得過百雉參國之一謂
三分國城之一今京不合法度非先王制
早為之所欲使得其所宜斃踣也姑且也
鄙鄭邊邑貳兩屬公子呂鄭大夫生民心

春秋左傳卷一 隱公 八 嘗

謂叔久不除則舉國之民當生他心公言無用除之禍將自及太叔以前兩屬者今皆取以爲己邑至于廩延言轉侵多也廩延鄭邑陳留酸棗縣北有延津子封公子呂也厚謂土地廣大公曰段不義於君不親於兄非眾所附雖厚必崩完完城郭聚聚人民步曰卒車曰乘啓開也古者兵車一乘甲士三人步卒七十二人共國今汲

郡共縣傳言夫子作春秋改舊史以明義不早爲之所而養成其惡故曰失教段實出奔而以克爲文明鄭伯志在於殺難言其奔城潁鄭地地中之泉故曰黃泉封人典封疆者考叔食而不啜羹欲以發問也宋華元殺羊爲羹饗士蓋古賜賤官之常繫語助政問何謂據武姜在設疑也隧若今延道賦賦詩也融融和樂也洩洩舒散

也純猶篤也不匱純孝也莊公雖失之於初孝心不忘考叔感而通之所謂永錫爾類詩人之作各以情言君子論之不以文害意故春秋傳引詩不皆與今說詩者同後皆倣此

秋七月天王使宰咺來歸惠公仲子之賵緩且子氏未薨故名天子七月而葬同軌畢至諸侯五月同盟至大夫三月同位至士踰月

外姻至贈死不及尸弔生不及哀預凶事非禮也

惠公葬在春秋前故曰緩也子氏仲子也薨在二年贈助喪之物同軌畢至言同軌以別四夷之國同盟同在方嶽之盟三月同位至古者行役不踰時踰月度月也姻猶親也此言赴弔各以遠近為差因為葬節贈不及尸尸未葬之通稱弔不及哀謂

諸侯已上既葬則褻麻除無哭位諒闇終喪仲子在而來贈故曰豫凶事

八月紀人伐夷夷不告故不書

夷國在城陽莊武縣紀國在東莞劇縣隱十一年傳例曰凡諸侯有命告則書不然則否史不書於策故夫子亦不書於經傳見其事以明春秋例也他皆倣此

有蜚不為災亦不書

蜚扶味反

蜚負繫也莊二十九年傳例曰凡物不為災不書又於此發之者明傳之所據非唯史策兼采簡牘之記他皆倣此

惠公之季年敗宋師于黃公立而求成焉九月及宋人盟于宿始通也

敗必邁反

黃宋邑陳留外黃縣東有黃城經無義例故傳直言其歸宿而已他皆倣此

冬十月庚申改葬惠公公弗臨故不書惠公

之薨也有宋師天子少葬故有闕是以改葬

少詩
照反

以桓為天子故隱公讓而不敢為喪主隱

攝君政故據隱而言

衛侯來會葬不見公亦不書

諸侯會葬非禮也不得接見成禮故不書

於策他皆倣此衛國在汲郡朝歌縣

鄭共叔之亂公孫滑出奔衛衛人為之伐鄭

取廩延鄭人以王師虢師伐衛南鄙請師於

邾邾子使私於公子豫豫請往公弗許遂行

及邾人鄭人盟于翼不書非公命也滑于八
反豫音

預

公孫滑共叔段之子虢西虢國也弘農陝

縣東南有虢城公子豫魯大夫私請師翼

邾地

新作南門不書亦非公命也

春秋左傳

卷一

隱公

十三

晉古樓

非公命不書三見者皆與作大事各舉以備文

十二月祭伯來非王命也

眾父卒公不與小斂故不書日

眾音終與音預

眾父公子益師字禮卿佐之喪小斂大斂君皆親臨之崇恩厚也始死情之所篤禮之所崇故以小斂為文至於但臨大斂及不臨喪亦同不書日

經二年春公會戎于潛

戎狄夷蠻皆氏羌之別種也戎而書會者順其俗以為禮皆謂居中國若王子駒支者陳畱濟陽縣東南有戎城潛魯地

夏五月莒人入向

向舒亮反

向小國也譙國龍亢縣東南有向城莒國今城陽莒縣也將卑師少稱人弗地曰入例在襄十三年

春秋

無駭帥師入極

駭戶楷反

和

無駭魯卿極附庸小國無駭不書氏未賜族賜族例在八年

秋八月庚辰公及戎盟于唐

高平方與縣北有武唐亭八月無庚辰庚辰七月九日也日月必有誤

九月紀裂繻來逆女

裂音列繻音須

裂繻紀大夫傳曰卿為君逆也以別卿自

逆也逆女或稱使或不稱使昏禮不稱主人史各隨其實而書非例也他皆倣此

冬十月伯姬歸于紀

無傳伯姬魯女裂繻所逆者

紀子帛莒子盟于密

帛音白

子帛裂繻字也莒魯有怨紀侯既昏于魯使大夫盟莒以和解之子帛為魯結好息民故傳曰魯故也比之內大夫而在莒子

春秋左傳

卷一

隱公

十四

宣

上稱字以嘉之也字例在閔元年密莒邑

城陽淳于縣東北有密鄉

十有二月乙卯夫人子氏薨

無傳桓未為君仲子不應稱夫人隱讓桓以為大子成其母喪以赴諸侯故經於此稱夫人也不反哭故不書葬例在三年

鄭人伐衛

凡師有鍾鼓曰伐例在莊二十九年

傳二年春公會戎于潛修惠公之好也戎請

盟公辭好呼報反

許其修好而不許其盟禦夷狄者不壹而足

莒子娶于向向姜不安莒而歸夏莒人入向以姜氏還還音旋

傳言失昏姻之義凡得失小故經無異文而傳備其事按文則是非足以為戒他皆

春秋左傳卷一 隱公 十五 齊古農

做此

司空無駭人極費庠父勝之

庠音琴

魯司徒司馬司空皆卿也庠父費伯也前

年城郎今因得以勝極故傳於前年發之

戎請盟秋盟于唐復修戎好也

九月紀裂繻來逆女卿為君逆也

為去聲

冬紀子帛莒子盟于密魯故也

鄭人伐衛討公孫滑之亂也

治元年取廩延之亂

春秋左傳註卷第一終

春秋左傳

卷一

隱公

十六

信古樓

春秋左傳註卷第二

隱三年
盡五年

晉 杜 預 註

經三年春王二月己巳日有食之

無傳日行遲一歲一周天月行疾一月一周天一歲凡十二交會然日月動物雖行度有大量不能不小有盈縮故有雖交會而不食者或有頻交而食者唯正陽之月君子忌之故有伐鼓用幣之事今釋例以

春秋左傳

卷二

隱公

一

宣古樓

長歷推經傳明此食是二月朔也不書朔
史失之書朔日例在桓十七年

三月庚戌天王崩

周平王也實以壬戌崩欲諸侯之速至故
遠日以赴春秋不書實崩日而書遠日者
卽傳其僞以懲臣子之過也襄二十九年
傳曰鄭上卿有事使印段如周會葬今不
書葬魯不會

夏四月辛卯君氏卒

隱不敢從正君之禮故亦不敢備禮於其
母

秋武氏子來求賻

賻音附

武氏子天子大夫之嗣也平王喪在殯新
王未得行其爵命聽於冢宰故傳曰王未
葬釋其所以稱父族又不稱使也魯不共
奉王喪致命有求經直文以示不敬故傳

不復具釋也

八月庚辰宋公和卒

稱卒者略外以別內也元年大夫盟于宿故來赴以名例在七年

冬十有二月齊侯鄭伯盟于石門

來告故書石門齊地或曰濟北盧縣故城西南濟水之門

癸未葬宋穆公

無傳魯使大夫會葬故書始死書卒史在國承赴為君故惡其薨名改赴書也書葬則舉諡稱公者會葬者在外據彼國之辭也書葬例在昭六年

傳三年春王三月壬戌平王崩赴以庚戌故書之

夏君氏卒聲子也不赴於諸侯不反哭於寢不祔於姑故不曰薨不稱夫人故不言葬不

春次左傳

卷二

隱公

三

嘗古妻

書姓爲公故曰君氏

耐音附爲
公于僞反

和言

夫人喪禮有三薨則赴於同盟之國一也
既葬日中自墓反虞於正寢所謂反哭於
寢二也卒哭而耐於祖姑三也若此則書
曰夫人某氏薨葬我小君某氏此備禮之
文也其或不赴不耐則爲不成喪故死不
稱夫人薨葬不言葬我小君某氏反哭則
書葬不反哭則不書葬今聲子三禮皆闕

釋例論之詳矣不書姓辟正夫人也隱見

爲君故特書於經稱曰君氏以別凡妾媵

鄭武公莊公爲平王卿士王貳于虢鄭伯怨
王王曰無之故周鄭交質王子狐爲質於鄭
鄭公子忽爲質於周王崩周人將畀虢公政
四月鄭祭足帥師取溫之麥秋又取成周之
禾周鄭交惡君子曰信不由中質無益也明
怨而行要之以禮雖無有質誰能閒之苟有

春秋左傳

卷二

隱公

四

晉古妻

不和

和古樹

明信澗谿沼沚之毛蘋蘩蒹藻之菜筐筥錡
 釜之器潢汙行潦之水可薦於鬼神可羞於
 王公而況君子結二國之信行之以禮又焉
 用質風有采蘋采蘋雅有行葦洞酌昭忠信
 也質音致下同狐音胡界必二反祭側界反
 要於遙反問問廁之間谿苦兮反沼之紹
 反沚音止蘋音頻蘩音煩蒹紆緩反藻音早
 筐邱方反莒九呂反錡其綺反潢音黃汙音
 烏潦音老焉於虔反葦
 于鬼反洞音迥共音恭

卿士王卿之執政者言父子秉周之政號

西號公亦仕王朝王欲分政于號不復專
 任鄭伯王子狐平王子將昇號公政周人
 遂成平王本意四月今二月也秋今之夏
 也麥禾皆未熟言取者蓋芟踐之温今河
 內温縣成周洛陽縣也交惡謂兩相疾惡
 谿亦澗也沼池也沚小渚也毛草也蘋大
 萍也蘩蟠蒿蒹藻聚藻也方曰筐員曰筥
 無足曰釜有足曰錡潢汙停水行潦流潦

春秋左傳

卷二

隱公

五

晉書

羞進也通言盟約彼此之情故言二國采
 蔡采蘋詩國風義取於不嫌薄物詩大雅
 也行葦篇義取忠厚也洞酌篇義取雖行
 潦可以共祭祀也明有忠信之行雖薄物
 皆為可用

武氏子來求賻王未葬也

宋穆公疾召大司馬孔父而屬殤公焉曰先
 君舍與夷而立寡人寡人弗敢忘若以大夫

之靈得保首領以沒先君若問與夷其將何
 辭以對請子奉之以主社稷寡人雖死亦無
 悔焉對曰羣臣願奉馮也公曰不可先君以
 寡人為賢使主社稷若棄德不讓是廢先君
 之舉也豈曰能賢光昭先君之令德可不務
 乎吾子其無廢先君之功使公子馮出居于
 鄭八月庚辰宋穆公卒殤公即位君子曰宋
 宣公可謂知人矣立穆公其子饗之命以義

不和
不和

夫商頌曰殷受命咸宜百祿是荷其是之謂

乎屬章欲反殤舒羊反舍音捨與如字馮皮冰反夫音扶頌似用反荷何可反

先君穆公兄宣公也與夷即宣公子所屬

殤公馮穆公子莊公也豈曰能賢言不讓

則不足稱賢先君以舉賢為功我若不賢

是廢之馮出居鄭辟殤公也命以義謂命

出於義也夫語助詩頌言殷湯武丁受命

皆以義故任荷天之百祿也帥義而行則

殤公宜受此命宜荷此祿公子馮不帥父

義忿而出奔因鄭以求人終傷咸宜之福

故知人之稱唯在宣公也殷禮有兄弟相

及不必傳子孫宋其後也故指稱商頌

冬齊鄭盟于石門尋盧之盟也庚戌鄭伯之

車僨于濟僨佛問反

盧盟在春秋前盧齊地今濟北盧縣故城

既盟而遇大風傳記異也十二月無庚戌

春秋左傳卷二 隱公 七 嘗古婁

日誤

衛莊公娶于齊東宮得臣之妹曰莊姜美而無子衛人所為賦碩人也又娶于陳曰厲嬀生孝伯早死其姊戴嬀生桓公莊姜以為己子公子州吁嬖人之子也有寵而好兵公弗禁莊姜惡之石碻諫曰臣聞愛子教之以義方弗納于邪驕奢淫泆所自邪也四者之來寵祿過也將立州吁乃定之矣若猶未也階

之為禍夫寵而不驕驕而能降降而不憾憾而能矜者鮮矣且夫賤妨貴少陵長遠開親新開舊小加大淫破義所謂六逆也君義臣行父慈子孝兄愛弟敬所謂六順也去順效逆所以速禍也君人者將禍是務去而速之無乃不可乎弗聽其子厚與州吁游禁之不可桓公立乃老

為賦于偽反嬀九危反叶況于反嬀必計反好呼報反禁

居媯反惡烏路反碻七畧反邪似嗟反洪音

逸憾胡暗反矜之忍反鮮息淺反去起呂反

春秋左傳卷二隱公八

嘗古樓

得臣齊大子也大子不敢居上位故常處
東宮碩人詩義取莊姜美于色賢于德而
不見答終以無子國人憂之陳今陳國陳
縣媯陳姓也厲戴皆諡雖為莊姜子然大
子之位未定嬖親幸也石碯衛大夫階之
為禍言將立為大子則宜早定若不早定
州吁必緣寵而為禍夫能降能賤如此者
少也降其身則必恨恨則思亂不能自安

春秋

卷二

自重小加大小國而加兵於大國如息侯
伐鄭之比臣行謂行君之義老致仕也四
年經書州吁弑其君故傳先經以始事
經四年春王二月莒人伐杞取牟婁杞音起牟亡侯

無傳書取言易也例在襄十三年杞國本
都陳留雍丘縣推尋事跡桓六年淳于公
亡國杞似并之遷都淳于僖十四年又遷

春秋左傳卷二 隱公 九

緣陵襄二十九年晉人城杞之淳于杞又
遷都淳于牟婁杞邑城陽諸縣東北有婁
鄉

庚戌衛州吁弑其君完

稱臣弑君臣之罪也例在宣四年戊申三
月十七日有日而無月

夏公及宋公遇于清

遇者草次之期二國各簡其禮若道路相

逢遇也清衛邑濟北東阿縣有清亭

宋公陳侯蔡人衛人伐鄭

秋聲帥師會宋公陳侯蔡人衛人伐鄭聲許

公子翬魯大夫不稱公子疾其固請強君

以不義也諸外大夫貶皆稱人至於內大

夫貶則皆去族稱名於記事之體他國可

言某人而已魯之卿佐不得言魯人此所

以爲異也翬溺去族傳曰疾之叔孫豹則

曰言違命此其例也

九月衛人殺州吁于濮

濮音

州吁弑君而立未列於會故不稱君例在

成十六年濮陳地水名

冬十有二月衛人立晉

衛人逆公子晉而立之善其得眾故不書

入於衛變文以示義例在成十八年

四年春衛州吁弑桓公而立公與宋公為

會將尋宿之盟未及期衛人來告亂

夏公及宋公遇于清

宿盟在元年

宋殤公之即位也公子馮出奔鄭鄭人欲納之及衛州吁立將修先君之怨於鄭而求寵於諸侯以和其民使告於宋曰君若伐鄭以除君害君為主敝邑以賦與陳蔡從則衛國之願也宋人許之於是陳蔡方睦於衛故宋

公陳侯蔡人衛人伐鄭圍其東門五日而還
 公問於眾仲曰衛州吁其成乎對曰臣聞以
 德和民不聞以亂以亂猶治絲而棼之也夫
 州吁阻兵而安忍阻兵無眾安忍無親眾叛
 親離難以濟矣夫兵猶火也弗戢將自焚也
 夫州吁弑其君而虐用其民於是乎不務令
 德而欲以亂成必不免矣從才用反棼扶
 云反戢莊立反
 修怨於鄭謂二年鄭人伐衛之怨凡諸篡

立者諸侯既與之會則不復討故州吁欲
 求此寵害謂宋公子馮敝邑以賦從言舉
 國之賦調蔡今汝南上蔡縣眾仲魯大夫
 亂謂阻兵而安忍治絲而棼絲見棼緼益
 所以亂州吁恃兵則民殘民殘則眾叛安
 忍則刑過刑過則親離
 秋諸侯復伐鄭宋公使來乞師公辭之羽父
 請以師會之公弗許固請而行故書曰翬帥

師疾之也諸侯之師敗鄭徒兵取其禾而還

乞師不書非卿公辭之從眾仲之言羽父

公子翬敗鄭徒兵時鄭不車戰

州吁未能和其民厚問定君於石子石子曰
王觀為可曰何以得觀曰陳桓公方有寵於
土陳衛方睦若朝陳使請必可得也厚從州
吁如陳石碏使告於陳曰衛國褊小老夫耄
矣無能為也此二人者實弑寡君敢即圖之

陳人執之而請蒞于衛九月衛人使石宰醜

蒞殺州吁于濮石碏使其宰孺羊肩蒞殺石

厚于陳君子曰石碏純臣也惡州吁而厚與

焉大義滅親其是之謂乎覲其斬反朝直遙

報反蒞音利孺奴侯反
惡烏路反與焉音預

石子石碏也厚以州吁不安諮其父八十

曰耄稱國小己老自謙以委陳使因其往

就圖之陳執之而請衛人自臨討之碏以

春秋左傳卷二 隱公 十三 魯左傳

子從弑君之賊國之大逆不可不除故曰
大義滅親明小義則常兼子愛之

衛人逆公子晉于邶冬十二月宣公即位書

曰衛人立晉眾也邢音刑

宣公公子晉也

經五年春公矢魚于棠

書陳魚以示非禮也書棠譏遠地也今高
平方與縣北有武唐亭魯侯觀魚臺

夏四月葬衛桓公

秋衛師入邾邾音成

將卑師眾但稱師此史之常也

九月考仲子之宮初獻六羽

成仲子宮安其主而祭之惠公以仲子手
文娶之欲以為夫人諸侯無二嫡蓋隱公
成父之志為別立宮也公問羽數故書羽
婦人無諡因姓以名宮

春秋左傳卷二 隱公 十四 魯古

邾人鄭人伐宋

邾主兵故序鄭上

螟

螟亡
丁反

無傳蟲食苗心者為災故書

冬十有二月辛巳公子彊卒

彊苦
侯反

大夫書卒不葬葬者臣子之事非公家所

及

不人伐鄭圍長葛

雍川長耐縣北有長葛城

傳五年春公將如棠觀魚者臧僖伯諫曰凡物不足以講大事其材不足以備器用則君不舉焉君將納民於軌物者也故講事以度軌量謂之軌取材以章物采謂之物不軌不物謂之亂政亂政亟行所以敗也故春蒐夏苗秋獮冬狩皆於農隙以講事也三年而治兵入而振旅歸而飲至以數軍實昭文章明

春秋左傳

卷二

隱公

十五

晉書

貴賤辨等列順少長習威儀也鳥獸之內不
 登於俎皮革齒牙骨角毛羽不登於器則公
 不射古之制也若夫山林川澤之實器用之
 資阜隸之事官司之守非君所及也公曰吾
 將略地焉遂往陳魚而觀之僖伯稱疾不從
 書曰公矢魚于棠非禮也且言遠地也度待
逐欺冀反蒐所求反獮息淺反狩守又反隙
去逆反振之慎反數所主反少詩照反長丁
丈反俎莊呂反射食亦
反阜才早反從才用反

一 臧僖伯公子驅也伯諡也大事祀與戎材
 謂皮革齒牙骨角毛羽也器用軍國之器
 使凡器用眾物不入法度則為不軌不物
 亂政之所起蒐索擇取不孕者苗為苗除
 害也獮殺也以殺為名順秋氣也狩圍守
 也冬物畢成獲則取之無所擇也農隙講
 事各隨時事之閒雖四時講武猶復三年
 而大習出曰治兵始治其事入曰振旅治

兵禮畢振眾而還振整也旅眾也歸飲於廟以數車徒器械及所獲也文章謂車服旌旗等列謂行伍出則少者在前還則在後所謂順也俎祭宗廟器也登於器謂以飾法度之器阜隸之事士臣阜阜臣與與臣隸言取此雜狼之物以資器備是小臣有司之職非諸侯之所親也公孫辭以略地略總攝巡行之名傳曰東略之不知西

則否矣陳設張也謂大設捕魚之備而觀之矢亦陳也棠實他竟故曰遠地

曲沃莊伯以鄭人邢人伐翼王使尹氏武氏助之翼侯奔隨

曲沃晉別封成師之邑在河東聞喜縣莊伯成師子也翼晉舊都在平陽絳邑縣東邢國在廣平襄國縣尹氏武氏皆周世族大夫也晉內相攻伐不告亂故不書傳具

其事為後晉事張本曲沃及翼本末見桓
二年隨晉地

夏葬衛桓公衛亂是以緩

有川吁之亂十四月乃葬傳明其非慢也

四月鄭人侵衛牧以報東門之役衛人以燕
師伐鄭鄭祭足原繁洩駕以三軍軍其前使
曼伯與子元潛軍軍其後燕人畏鄭三軍而
不虞制人六月鄭二公子以制人敗燕師于

北制君子曰不備不虞不可以師牧音目燕於賢反洩

曼音萬

牧衛邑經書夏四月葬衛桓公今傳直言

夏而更以四月附鄭人侵衛牧者於下事

宜得月以明事之先後故不復備舉經文

三年君氏卒其義亦同他皆放此東門役

在四年南燕國今東郡燕縣制鄭邑今河

南成皋縣也一名虎牢二公子曼伯子元

春秋左傳卷二 隱公 十一 晉古婁

也

曲沃叛王秋王命虢公伐曲沃而立哀侯于翼

春翼侯奔隨故立其子光

衛之亂也邾人侵衛故衛師入邾

邾國也東平剛父縣西南有邾鄉

九月考仲子之宮將萬焉公問羽數於眾仲
對曰天子用八諸侯用六大夫四士二夫舞

步以節八音而行八風故自八以下公從之
於是初獻六羽始用六佾也

俗音逸

萬舞也公問執羽人數仲云天子用八八

八六十四人諸侯六六六三十六人大夫

四四四十六人士二二二四人士有功賜

用樂八音金石絲竹匏土革木也八風八

方之風也以八音之器播八方之風手之

舞之足之蹈之節其制而序其情唯天子

春秋左傳卷二 隱公 二十 晉古婁

得盡物數故以八為列諸侯則不敢用八
魯惟文王周公廟得用八而他公遂因仍
僭而用之今隱公特立此婦人之廟詳問
眾仲因明大典故傳亦因言始用六佾其
後季氏舞八佾於庭知惟在仲子廟用六
宋人取邾田邾人告於鄭曰請君釋憾於宋
敝邑為道鄭人以王師會之伐宋入其郛以
報東門之役宋人使來告命公聞其入郛也

將救之問於使者曰師何及對曰未及國公
怒乃止辭使者曰君命寡人同恤社稷之難
今問諸使者曰師未及國非寡人之所敢知
也道音導郛方扶夫反使去聲

釋憾於宋釋四年再見伐之恨王師不書
不以告也郛郛也東門役在四年宋來告
命策書公問使使忿公知而故問責窮辭
公怒乃止為七年公伐邾傳

春秋左傳卷二 隱公 二十 晉古婁

冬十二月辛巳臧僖伯卒公曰叔父有憾於寡人寡人弗敢忘葬之加一等

諸侯稱同姓大夫長曰伯父少曰叔父有恨恨諫觀魚不聽葬加一等謂加命服之等

宋人伐鄭圍長葛以報入郟之役也

春秋左傳註卷第二終

春秋左傳註卷第二 隱六年盡十一年

晉 杜 預 註

經六年春鄭人來渝平 渝羊朱反

和而不盟曰平

夏五月辛酉公會齊侯盟于艾

泰山牟縣東南有艾山

秋七月

雖無事而書首月具四時以成歲也皆放

春秋左傳註卷三 隱公 一 晉古婁

此

冬宋人取長葛

秋取冬乃告也上有伐鄭圍長葛長葛鄭邑可知故不言鄭也前年冬圍不克而還今冬乘長葛無備而取之言易也

傳六年春鄭人來渝平更成也

渝變也公之為公子戰於狐壤為鄭所執逃歸怨鄭鄭伐宋公欲救宋宋使者失辭

公怒而止忿宋則欲厚鄭鄭因此而來故

經書渝平傳曰更成

翼九宗五正頃父之子嘉父逆晉侯于隨納

諸鄂晉人謂之鄂侯頃音傾鄂五各反

翼晉舊都也唐叔始封受懷姓九宗職官五正遂世為晉強家五正五官之長九宗一姓為九族也頃父之子嘉父晉大夫鄂晉別邑諸地名疑者皆言有以示不審闕

者不復記其闕他皆放此前年桓王立此
侯之子於翼故不得復入翼別居鄂

夏盟于艾始平于齊也

春秋前魯與齊不平今乃棄惡結好故言

始平于齊

五月庚申鄭伯侵陳大獲往歲鄭伯請成于
陳陳侯不許五父諫曰親仁善鄰國之寶也
真許鄭陳侯曰宋衛實難鄭何能為遂不

言者一曰善不可失惡不可長其陳桓公之
謂乎長惡不悛從自及也雖欲救之其將能
乎商書曰惡之易也如火之燎于原不可鄉
邇其猶可撲滅周任有言曰為國家者見惡
如農夫之務去草焉芟夷蘊崇之絕其本根
勿使能殖則善者信矣悛七全反燎力召反
鄉許亮反任音壬芟

所詢反蘊
紆紉反

成猶平也五父陳公子佗可畏難也悛止

春秋左傳

卷三

隱公

三

齊古樓

也從隨也商書盤庚言惡易長如火焚原野不可鄉近自不可撲滅周任周大夫芟刈也夷殺也蘊積也崇聚也

秋宋人取長葛

冬京師來告饑公爲之請糴於宋衛齊鄭禮

也爲于偽反糴直歷反

告饑不以王命故傳言京師而不書於經也雖非王命而公共以稱命己國不足旁

請鄰國故曰禮也傳見隱之賢

鄭伯如周始朝桓王也王不禮焉周桓公言於王曰我周之東遷晉鄭焉依善鄭以勸來者猶懼不醜況不禮焉鄭不來矣醜其器反

桓王卽位周鄭交惡至是乃朝故曰始周

桓公周公黑肩也周采地扶風雍縣東北

有周城幽王爲大戎所殺平王東徙晉文

侯鄭武公左右王室故曰晉鄭焉依醜至

也鄭不來為桓五年諸侯從王伐鄭傳

經七年春王三月叔姬歸于紀

無傳叔姬伯姬之姊也至是歸者待年於父母國不與嫡俱行故書

滕侯卒

傳例曰不書名未同盟也滕國在沛國公

邱縣東南

城中邱

城例在莊二十九年中正在琅邪臨沂縣

東北

齊侯使其弟年來聘

諸聘皆使卿執玉帛以相存問例在襄九

年

秋公伐邾

冬天王使凡伯來聘

凡伯周卿士凡國伯爵也汲郡共縣東南

春秋左傳

卷三

隱公

五

管子

有凡城

戎伐凡伯于楚邱以歸

戎鳴鐘鼓以伐天子之使見夷狄疆薳不
 書凡伯敗者單使無眾非戰陳也但言以
 歸非執也楚邱衛地在濟陰城武縣西南
 傳七年春滕侯卒不書名未同盟也凡諸侯
 同盟於是稱名故薳則赴以名告終稱嗣也
 以繼好息民謂之禮經

盟以名告神故薳亦以名告同盟告終稱
 嗣告亡者之終稱嗣位之主嗣位之主當
 奉而不忘故曰繼好好同則和親故曰息
 民謂之禮經者此言凡例乃周公所制禮
 經也十一年不告之例又曰不書於策明
 禮經皆當書於策仲尼脩春秋皆承策為
 經邱明之傳博采眾記故始開凡例特顯
 此二句他皆放此

夏城中邱書不時也

齊侯使夷仲年來聘結艾之盟也

艾盟在六年

秋宋及鄭平七月庚申盟于宿公伐邾為宋討也

公距宋而更與鄭平欲以鄭為援今鄭復與宋盟故懼而伐邾欲以求宋故曰為宋

討

初戎朝于周發幣于公卿凡伯弗賓冬王使凡伯來聘還戎伐之于楚邱以歸

朝而發幣於公卿如今計獻詣公府卿寺傳言凡伯所以見伐

陳及鄭平十二月陳五父如鄭涖盟壬申及鄭伯盟欬如忘洩伯曰五父必不免不賴盟矣鄭良佐如陳涖盟辛巳及陳侯盟亦知陳之將亂也

欬色洽反洩息列反

六年鄭侵陳大獲今乃平泄臨也軟如忘志不在於軟血也洩伯鄭洩駕良佐鄭大夫亦知陳之將亂者入其國觀其政治故總言之也皆為桓五年六年陳亂蔡人殺

陳佗傳

鄭公子忽在王所故陳侯請妻之鄭伯許之乃成昏

陳以忽為王寵故妻為鄭忽失齊昏援以

至出奔傳

經八年春宋公衛侯遇于垂

垂衛地濟陰句陽縣東北有垂亭

三月鄭伯使宛來歸祊

宛於阮反祊必彭反

宛鄭大夫不書氏未賜族祊鄭祀泰山之邑在琅邪費縣東南

庚寅我入祊

桓元年乃卒易祊田知此入祊未肯受而

春秋左傳

卷三

隱公

八

稽古樓

有之

夏六月己亥蔡侯考父卒

無傳襄六年傳曰杞桓公卒始赴以名同盟故也諸侯同盟稱名者非唯見在位之君也嘗與其父同盟則亦以名赴其子亦所以繼好也蔡未與隱盟蓋春秋前與惠公盟故赴以名

亥宿男卒

無傳元年宋魯大夫盟于宿宿與盟也晉荀偃禱河稱齊晉君名然後自稱名知雖大夫出盟亦當先稱己君之名以啓神明故薨皆從身盟之例當告以名也傳例曰赴以名則亦書之不然則否辟不敏也今宿赴不以名故亦不書名諸例或發於始事或發於後者因宜有所異同亦或邱明所得記註本末不能皆備故

春秋

秋七月庚午宋公齊侯衛侯盟于瓦屋

齊侯尊宋使主會故宋公序齊上瓦屋周

地

八月葬蔡宣公

無傳三月而葬速

九月辛卯公及莒人盟于浮來

莒人微者不嫌敵公侯故直稱公例在僖

二十九年浮來紀邑東莒縣北有邳鄉邳

鄉西有公來山號曰邳來閒

螟

無傳為災

冬十有二月無駭卒

公不與小歛故不書日卒而後賜族故不

書氏

傳八年春齊侯將平宋衛有會期宋公以幣

請於衛請先相見衛侯許之故遇于大邱

春秋左傳

卷三

隱公

十

稽古樓

齊平宋衛於鄭宋請先見宋敬齊命大邱垂也地有兩名

鄭伯請釋泰山之祀而祀周公以泰山之祊易許田三月鄭伯使宛來歸祊不祀泰山也

成王營王城有遷都之志故賜周公許田以為魯國朝宿之邑後世因而立周公別廟焉鄭桓公周宣王之母弟封鄭有助祭泰山湯沐之邑在祊鄭以天子不能復巡

一守故欲以祊易許田各從本國所近之宜恐魯以周公別廟為疑故云已廢泰山之祀而欲為魯祀周公孫辭以有求也許田近許之田

夏號公忌父始作卿士于周

周人於此遂畀之政

四月甲辰鄭公子忽如陳逆婦媯辛亥以媯氏歸甲寅入于鄭陳鍼子送女先配而後祖

鍼子曰是不為夫婦誣其祖矣非禮也何以

能育鍼其廉反
誣亡符反

鍼子陳大夫禮逆婦必先告祖廟而後行

故楚公子圍稱告莊共之廟鄭忽先逆婦

而後告廟故曰先配而後祖

齊人卒平宋衛于鄭秋會于溫盟于瓦屋以

釋東門之役禮也

會溫不書不以告也定國息民故曰禮也

平宋衛二國忿鄭之謀鄭不與盟故不書

八月丙戌鄭伯以齊人朝王禮也

言鄭伯不以虢公得政而背王故禮之齊

稱人略從國辭上有七月庚午下有九月

辛卯則八月不得有丙戌

公及莒人盟于浮來以成紀好也

二年紀莒盟于密為魯故今公尋之故曰

以成紀好

冬齊侯使來告成三國公使眾仲對曰君釋三國之圖以鳩其民君之惠也寡君聞命矣敢不承受君之明德

齊侯冬來告稱秋和三國鳩集也

無駭卒羽父請諡與族公問族於眾仲眾仲對曰天子建德因生以賜姓胙之土而命之氏諸侯以字爲諡因以爲族官有世功則有官邑亦如之公命以字爲展氏

天子建德立有德以爲諸侯因其所出生以賜姓謂若舜由嬀汭故陳爲嬀姓報之以土而命氏曰陳諸侯位卑不得賜姓故其臣因氏其王父字或使卽先人之諡稱以爲族官邑有族謂取其舊官舊邑之稱以爲族皆稟之時君諸侯之子稱公子公子之子稱公孫公孫之子以王父字爲氏無駭公子展之孫故爲展氏

春秋

經九年春天王使南季來聘

無傳南季天子大夫也南氏季字也

三月癸酉大雨震電庚辰大雨雪電徒練反

反

三月今正月

挾卒

無傳挾魯大夫未賜族

夏城郕

秋七月

冬公會齊侯于防

防魯地在琅邪縣東南

傳九年春王三月癸酉大雨霖以震書始也

庚辰大雨雪亦如之書時失也凡雨自三日

以往為霖平地尺為大雪

書始謂書癸酉始雨日夏之正月微陽始

出未可震電既震電又不當大雨雪故皆

春秋左傳

卷三

隱公

十四

晉古婁

稽古樓

為時失雨自三日為霖此解經書霖也而
經無霖字經誤

夏城郎書不時也

宋公不王鄭伯為王左卿士以王命討之伐
宋宋以入郟之役怨公不告命公怒絕宋使
不王謂不共王職入郟在五年公以七年
伐邾欲以說宋而宋猶不和也

以鄭人以王命來告伐宋

以王命告遣使致王命也伐宋未得志故
復往告之

冬公會齊侯于防謀伐宋也

北戎侵鄭鄭伯禦之患戎師曰彼徒我車懼
其侵軼我也公子突曰使勇而無剛者嘗寇
而速去之君為三覆以待之戎輕而不整貪
而無親勝不相讓敗不相救先者見獲必務
進進而遇覆必速奔後者不救則無繼矣乃

春不

和古

可以逞從之戎人之前遇覆者奔祝聃逐之

衷戎師前後擊之盡殪戎師大奔十一月甲寅鄭人大敗戎師

軼音逸輕遣政反聃乃甘反殪於計反

徒步兵也軼突也公子突鄭厲公也嘗試

也勇而無剛勇則能往無剛不恥退覆伏

兵也逞解也祝聃鄭大夫衷戎師為三部

伏兵祝聃帥勇而無剛者先犯戎而速奔

以遇二伏兵至後伏兵起戎還走祝聃反

逐之戎前後及中三處受敵故曰衷戎師

殪死也戎師大奔後駐軍不復繼也此皆

春秋時事雖經無正文所謂必廣記而備

言之將令學者原始要終尋其枝葉究其

所窮他皆放此

經十年春王二月公會齊侯鄭伯于中邱

傳言正月會癸丑盟釋例推經傳日月癸

丑是正月二十六日知經二月誤

春秋左傳

卷三

隱公

夫

晉古樓

夏鼐帥師會齊人鄭人伐宋

公子鼐不待公命而貪會二國之君疾其專進故去氏齊鄭以公不至故亦更使微者從之伐宋不言及明鼐專行非鄧之謀也及例在宣七年

六月壬戌公敗宋師于菅

菅古頃反

齊鄭後期故公獨敗宋師書敗宋未陳也或例在莊十一年菅宋地

辛未取郕辛巳取防

郕古報反

鄭後至得郕防二邑歸功于魯故書取明不用師徒也濟陰城武縣東南有郕城高平昌邑縣西南有西防城

秋宋人衛人入鄭宋人蔡人衛人伐戴鄭伯伐取之

三國伐戴鄭伯因其不和伐而取之書伐用師徒也書取克之易也戴國今陳留外

黃縣東南有戴城

冬十月壬午齊人鄭人入郕

傳十年春王正月公會齊侯鄭伯于中邱癸丑盟于鄧為師期

尋九年會于防謀伐宋也公既會而盟盟不書非後也蓋公還告會而不告盟鄧魯地

夏五月羽父先會齊侯鄭伯伐宋

言先會明非公本期釋輦之去族

六月戊申公會齊侯鄭伯于老桃壬戌公敗宋師于菅庚午鄭師入郕辛未歸于我庚辰鄭師入防辛巳歸于我君子謂鄭莊公於是乎可謂正矣以王命討不庭不貪其土以勞

王爵正之體也

勞力報反

會不書不告於廟也老桃宋地六月無戊

申戊申五月二十三日日誤壬戌六月七

春秋左傳

卷三

隱公

六

齊魯

春秋左傳卷三 隱公 十九 魯古婁
日庚午十五日庚辰二十五日鄭伯後期
而公獨敗宋師故鄭頻獨進兵以入郕防
入而不有命魯取之推公上爵讓以自替
不有其實故經但書魯取以成鄭志善之
也討不庭以下之事上皆成禮於庭中勞
者敘其勤以答之諸侯相朝逆之以饗餼
謂之郊勞魯侯爵尊鄭伯爵卑故言以勞
王爵

齊人衛人邾人不會王命

不伐宋也

秋七月庚寅鄭師入郊猶在郊宋人衛人入
鄭蔡人從之伐戴八月壬戌鄭伯圍戴癸亥
克之取三師焉宋衛既入鄭而以伐戴召蔡
人蔡人怒故不和而敗

鄭師還駐兵於遠郊宋衛奇兵承虛入鄭
蔡從宋衛伐戴也三國之軍在戴故鄭伯

春秋左傳

卷三

隱公

十九

魯古婁

春秋左傳卷三 隱公 二十 稽古樓

合圍之師者軍旅之通稱宋衛召蔡以伐戴乃召之蔡不和而敗言鄭取之易也

九月戊寅鄭伯入宋

報入鄭也九月無戊寅戊寅八月二十四

日

冬齊人鄭人入邾討違王命也

經十有一年春滕侯薛侯來朝薛息列反

諸侯相朝例在文十五年

夏公會鄭伯于時來

時來邾也滎陽縣東有釐城鄭地也

秋七月壬午公及齊侯鄭伯入許

與謀曰及還使許叔居之故不言滅也許

穎川許昌縣

冬十有一月壬辰公薨

實弑書薨又不地者史策所諱也

傳十一年春滕侯薛侯來朝爭長薛侯曰我

春秋左傳卷三 隱公 二十 稽古樓

先封滕侯曰我周之下正也薛庶姓也我不
可以後之公使羽父請於薛侯曰君與滕君
辱在寡人周諺有之曰山有木工則度之賓
有禮主則擇之周之宗盟異姓為後寡人若
朝于薛不敢與諸任齒君若辱貶寡人則願
以滕君為請薛侯許之乃長滕侯

諺音彥度
大洛反任

音

薛魯國薛縣薛祖奚仲夏所封在周之前

卜正卜官之長庶姓非周之同姓主則擇
之擇所宜而行之盟載書皆先同姓例在
定四年薛任姓齒列也

夏公會鄭伯于邾謀伐許也鄭伯將伐許五
月甲辰授兵於大宮公孫闕與潁考叔爭車
潁考叔挾輈以走子都拔棘以逐之及大達
弗及子都怒

闕於葛反
達求龜反

大宮鄭祖廟公孫闕鄭大夫輈車轅也子

春秋左傳

卷三

隱公

三

魯書

都公孫闕棘戟也達道方九軌也

秋七月公會齊侯鄭伯伐許庚辰傅于許潁考叔取鄭伯之旗螯弧以先登子都自下射之顛瑕叔盈又以螯弧登周麾而呼曰君登矣鄭師畢登壬午遂入許許莊公奔衛齊侯以許讓公公曰君謂許不共故從君討之許既伏其罪矣雖君有命寡人弗敢與聞乃與鄭人鄭伯使許大夫百里奉許叔以居許東

偏曰天禍許國鬼神實不逞于許君而假手于我寡人寡人唯是一二父兄不能共億其敢以許自爲功乎寡人有弟不能和協而使餽其口於四方其況能久有許乎吾子其奉許叔以撫柔此民也吾將使獲也佐吾子若寡人得沒于地天其以禮悔禍于許無寧茲許公復奉其社稷唯我鄭國之有請謁焉如舊昏媾其能降以相從也無滋他族實偪處

此以與我鄭國爭此土也吾子孫其覆亡之
不暇而況能禮祀許乎寡人之使吾子處此
不唯許國之爲亦聊以固吾圉也乃使公孫
獲處許西偏曰凡而器用財賄無寘於許我
死乃亟去之吾先君新邑於此王室而既卑
矣周之子孫日失其序夫許大岳之胤也天
而既厭周德矣吾其能與許爭乎君子謂鄭
莊公於是乎有禮禮經國家定社稷序民人

利後嗣者也許無刑而伐之服而舍之度德
而處之量力而行之相時而動無累後人可

謂知禮矣

傳音附蚤亡侯反射音石與聞之
與音預共音恭餽音胡復扶又反

覆芳六反禮音因許國之爲去
聲大音泰量音良相累並去聲

庚辰傅于許傅于許城下螯弧旗名顛隊
而死瑕叔盈鄭大夫周徧也麾招也莊公
奔衛奔不書兵亂遁逃未知所在不共謂
許不共職貢許叔許莊公之弟東偏東鄙

春秋左傳

卷三

隱公

三

管古婁

也假手寡人謂借手于我寡德之人以討
許父兄同姓羣臣共給億安也弟共叔段
也餽鬻也段出奔在元年獲鄭大夫公孫
獲得沒于地謂以壽終悔禍于許言天加
禮于許而悔禍之無寧寧也茲此也謁告
也婦之父曰昏重昏曰媾降降心也絜齊
以享謂之禋祀謂許山川之祀圍邊垂也
新邑于此今河南新鄭舊鄭在京兆鄭亦

周之子孫大岳神農之後堯四岳也胤繼
也刑法也相時而動我死乃亟去之無累

後人

鄭伯使卒出緘行出犬雞以詛射穎考叔者
君子謂鄭莊公失政刑矣政以治民刑以正
邪既無德政又無威刑是以及邪邪而詛之
將何益矣緘音加行音
杭詛厠慮反

百人爲卒二十五人爲行行亦卒之行列

春秋左傳

卷三

隱公

三

嘗古樓

疾射穎考叔者故令卒及行閒皆誑之是
大臣不睦又不能用刑於邪人

王取鄆劉蔿邾之田于鄭而與鄭人蘇忿生
之田温原絺樊陽郟欒茅向盟州陘隕懷君
子是以知桓王之失鄭也怒而行之德之則
也禮之經也已弗能有而以與人人之不至
不亦宜乎鄆烏戶反蔿尤委反邾音于欒才
官反盟音孟陘音刑隕徒回反
鄆劉二邑在河南緱氏縣西南有鄆聚西

北有劉亭為邾鄭二邑蘇忿生周武王司
寇蘇公也温今温縣原在沁水縣西絺在
野王縣西南樊一名陽樊野王縣西南有
陽城隰郟在懷縣西南欒茅在脩武縣北
向軹縣西有地名向上盟今盟津州今州
縣陘地闕隕在脩武縣北懷今懷縣凡十
二邑皆蘇忿生之田欒茅隕屬汲郡餘皆
屬河內蘇氏叛王十二邑王所不能有為

桓五年從王伐鄭張本

和古樓

鄭息有違言息侯伐鄭鄭伯與戰于竟息師
大敗而還君子是以知息之將亡也不度德
不量力不親親不徵辭不察有罪犯五不韙
而以伐人其喪師也不亦宜乎

度待洛反
韙韙鬼反

鄭息違言以言語相違恨息國汝南新息

縣度德謂鄭莊賢量力謂息國弱親親謂

鄭息同姓之國徵辭察罪謂言語相恨當

明徵其辭以審曲直不宜輕鬪韙是也

冬十月鄭伯以虢師伐宋壬戌大敗宋師以
報其入鄭也宋不告命故不書凡諸侯有命
告則書不然則否師出滅否亦如之雖及滅
國滅不告敗勝不告克不書于策

滅否
音鄙

入鄭在十年命者國之大事政令也承其

告辭史乃書之于策若所傳聞行言非將

君命則記在簡牘而已不得記於典策此

春秋左傳卷三 隱公 三 晉古樓

蓋周禮之舊制臧否謂善惡得失也滅而告敗勝而告克此皆互告不須兩告乃書羽父請殺桓公將以求大宰公曰為其少故也吾將授之矣使營菟裘吾將老焉羽父懼反譖公于桓公而請弑之公之為公子也與鄭人戰于狐壤止焉鄭人囚諸尹氏賂尹氏而禱於其主鍾巫遂與尹氏歸而立其主十一月公祭鍾巫齊于社圃館于寯氏壬辰羽

父使賊弑公于寯氏立桓公而討寯氏有死

者不書葬不成喪也

大音泰為其之為去聲齊側皆反

大宰官名授授桓位菟裘魯邑在泰山梁

父縣南不欲復居魯朝故別營外邑內諱

獲故言止狐壤鄭地尹氏鄭大夫主尹氏

所主祭公歸立鍾巫於魯社圃園名館舍

也寯氏魯大夫討寯氏欲以殺君之罪加

寯氏而復不能正法誅之傳言進退無據

春秋

桓弑隱篡位故喪禮不成

和古

春秋左傳註卷第三終

